

**'Sëedhε 'ö Pɔdhö -ya bɔ
Atanna -bha mε -nu 'wo
Gadhatö
-sε 'gü -a -nu -dhε**

□Tuabhonaɔ

¹ Mang Pɔdhö -mε 'ö mε 'bha 'yii n -ya ma -kë Yesu -bha bɔmε 'ka -sü ya- 'gü, "εεn 'ö Atanna 'yii bɔ 'zü mε 'bha -ta kö -yö n -ya, "kεε 'ö ga yöö □dede waa- ö Gbö Yesu Klisi 'ö- -bö 'ö- bho ga 'gü bha □në- -nu 'gü 'yö 'wo n -ya bha,

² yaa- -bha mε "pεpε 'yi -dhε ya- 'gü □në 'yi 'sëedhε ya- bɔ -a -bha 'kɔdhigümε -nu 'ka- -bha 'ka Gadhatö -sε 'gü bha ka -dhε.

³⁻⁴ Kwa Dë Atanna waa- kwa Dëmε Yesu Klisi 'ö ö -dɪ nu kwaa- 'wɔn yaa -nu -wɔn 'gü, kë "dhü kö 'ö kwa dha -tosεa yaa 'ö "kɔpung ya- □taa -a -gɔ □dhε -kɔ 'ö gun- 'ka kwa Dë, kwa -bha Atanna zuë" "piö -a 'dhö bha, -wo -gasite waa- zuë" 'waanu -sü nu ka -dhε.

⁵ Kwa Dë Atanna 'ö "dhü bha kö yö □në- 'to- bho -todhü 'ka bha 'aa -yö kë!

*Atanna -wɔ -bha -kë "dhü do -sü -dhiang 'ö
Pɔdhö -ya zë*

⁶ (N dheebhang -nu,) -a -kë kö 'ka 'to 'ka "kan Atanna -bha 'piö- "dhü, kö 'ka 'dhang bho 'wɔn -taɔng -së -dee 'bha "dhiö "kεε kö yö □në ka -dhε kö 'ka bɔ 'ö 'ka Klisi -bha -gasite 'ö- -kë kwa -dhε bha- 'saa- 'gü -sü -zë 'wɔn □në n kɔn.

⁷ Kö- kē □dhe -a pō 'a- wo "dhü bha 'wɔn -taong -sē bha- suu "wεε 'bha □nē 'dhö -a 'dhe 'a- pō ka -dhe bha- zian 'gü 'yö 'ka -da 'zü- 'gü 'yaa -mü. "Κεε με □nē -da siē ka -gɔ 'gü 'yö ka zuē" kaan-siē "kwēē. Kē "dhü kö naɔ -sē 'ö go Klisi "piü 'ö 'ka- ma bha- -wɔn -yö 'ma -zukplü -bha.

⁸ "Κεε a- -pō ka -dhe □dhe -yö -kē yi -zian □nē yi 'ka oo, -yö -kē Atanna -bha "kiē -zian □nē- 'ka 'ö go dhang- 'gü 'ö nu, 'ö 'wɔn -taong -sē suu "wεε 'bha pō ka -dhe -a 'dhe 'yi- pō ka -dhe bha- zian 'gü, -a -με -bha "dhang □nē bha!

⁹ 'Ya- -blesü pō ka -dhe, 'yö 'a- 'bha pō siē 'zü bha. A- -pō □dhe kö με "wεε 'bha -yö nu kö -yö 'wɔn -taong -sē suu "wεε 'bha pō ka -dhe -a 'dhe kö 'yi- pō ka -dhe bha- zian 'gü, -a -με -bha "dhang □nē bha!

¹⁰ -A pō 'a- wo "dhü bha 'yii kē □dhe a με "bhü -nu -bha "dhe -ya n -ta -dhe □nē- mɔɔ- siē. 'Mii n -dɪ -dhi με -dhe -dhe mɔɔ-. □Ya kē □dhe a yö □nē -dhe mɔɔ- siē 'nu, kö 'mii 'dho kē Klisi -bha gwēēmi 'ka.

Pɔdhö -bha -kē Yesu -bha bɔme 'ka -kɔ -dhiang 'ö- zē

¹¹ N dheebhang -nu, a- -pō ka -dhe kö -yö 'to ka "yaan □dhe naɔ -sē 'ö go Atanna "piü 'a- pō ka -dhe bha 'yii 'go mēbhüdhe 'gü.

¹² -A pō 'a- wo "dhü bha- 'klɔɔ- -mü □dhe 'mii- ma με 'bha -ta, "εεn 'mii- draan- με 'bha "piü, Yesu Klisi yöö □dede □nē "sε bho- -ta n -dhe.

¹³ 'Sa n 'ta -kɔ 'kö gun Zuifö -nu -bha Atanna -dhökē -kɔ 'gü (kö 'mii kē □kö 'dhang -bho Yesu "dhiü -με 'ka) ka yö -zē -dɔ. -Kɔ 'a gun 'wɔn bho

sië- 'ka Atanna -bha 'kodhigüme -nu 'gü n -sobhæ
 □dede 'ka, kë "dhü kö- -wɔn bho- -bha bha ka-
 -do.

14 "Yi 'yaa gun zun sië Zuifö -nu yi -bha Atanna
 -dhökë -ko -bha n -go -ko -nu 'ö- 'gü, 'ö 'a -ziö 'ka
 n "tuma -nu 'wo yi -go "sɛ 'gü -a -nu 'gbɛ □dede
 -ta bha ka- -ko -do. Yi dë -nu wɔ -ko -pɛng 'ö gun
 do sië n -ta -ko -nu 'ö- 'gü "dhiö ziö 'ka bha ka-
 -ko -do.

15 "Kɛɛ □dhe 'ö ga 'mɛ 'ö n -ya -dɪ -ta kö 'a kë
 ö -bha yëkëmɛ 'ka, kö 'mii bhɔ -zianwo □kö, 'ö n
 -dhe ö -bha -gasite bha- -bha bha- 'gü,

16 kö 'ö- -zɔn n -dhe □dhe Yesu Klisi bha ö Gbö
 -mü, 'yö- -ta -pɔ n -dhe, kë "dhü kö 'a- -dhiang zë
 mɛ 'waa Zuifö 'ka- -nu -dhe, (mang -dɪ 'pö 'mii za
 'bha do- 'gü,) 'mii mɛ 'bha dhɛɛ" 'kpɔ.

17 'Sa 'mii "wlü 'kaa 'dho 'mɛ 'wo gun Yesu -bha
 bɔmɛ -nu 'ka n "dhiö 'wo gun Zedhizadhëmö bha-
 -nu -dhe 'gü, kö 'a n -dɪ -zɔn -nu -dhe "ɛɛn kö -wo
 n □klang kë, a -wlü 'a dho Adhabi -sɛ ('ö 'mɛ 'wo
 bha- 'bha 'yaa mü bha) □në- 'gü do. □Dhe 'a go
 mü, 'yö 'a n yee -kë 'a dho Damasö -pö 'gü.

18 □Dhe 'ö -kwɛ -yaaga □ya ziö, 'yö 'a gun
 -na 'dho Zedhizadhëmö kö 'a Piedhö do, 'yö 'a
 -dhekpaoyi -kaɔng do ga "soodhu -kë -a -dhe 'gü.

19 "Kɛɛ -dhekpaoyi -zian 'a- -kë mü "dhü bha
 'mii kwa Dëmɛ -bha bɔmɛ -nu bha- 'bha yö, kö
 'yii kë- 'zlaa- Zakö -zë 'ka.

20 Dhiang 'a- zë sië ka -dhe ya, a- -zë □sii □dede
 -ta, 'yaa □sua 'ka.

21 □Dhe 'a go Zedhizadhëmö, 'yö 'a dho "sɛgo
 "wɛɛ 'dhe -nu 'wo -kë Siidhi -sɛ waa- Sidhisi -sɛ
 -nu 'ka bha- -nu 'gü.

22-23 "Tüŋg "pɛpɛ 'a- -kɛ 'a -ziö 'ka "sɛ -nu 'gü "dhü bha, kö Atanna -bha 'kɔdhiɡümɛ 'dhe -nu 'kö 'wo Zude -sɛ 'gü bha □waa- ma □nɛ wo wo "tu 'ka □dhe 'mɛ 'ö gun Atanna -bha mɛ -nu kwa -wɛɛ -kɛ wo siɛ "tüŋg 'bha 'gü bha □ya zun -zu -yö -a -dhe -sü 'ö gun 'wɔn □ɡban "pɛpɛ suu kɛ siɛ kö 'ö- 'gü see- bha- -dhiang zɛ -sü -bha, "kɛɛ kö 'wii n dɔ □kɔ.

²⁴ "Kɛɛ kö -wa nuɛ" -zɛ bho siɛ n -wɔn 'gü.

2

Pɔdhö -bha -dho zun Yesu -bha bɔmɛ -nu 'wo Zedhizadhɛmö -a -nu -dhe 'gü -kɔ -dhiang 'ö- zɛ

¹ □Dhe 'ö -kwe -kaɔŋ do ga -yiisiö □ya ziö, 'yö 'a dho 'zü -deewo Zedhizadhɛmö, yaa- Baan- abasö waa- Titö -nu 'dhö.

² 'Dho -zian 'a- wo mü "dhü bha, Atanna yöö □dede □nɛ- -zɔn n -dhe. □Dhe 'ma 'dho 'ma □loo mü, 'yö -kɔ 'a- -bha naɔ -sɛ 'ö- bɔ mɛ "bhu- -nu -dhe bha- -dhiang zɛ siɛ- 'ka 'mɛ 'waa Zuifö 'ka- -nu kpö 'gü bha 'a -ziö -ɡɛn 'gü- -nu -dhe, "kɛɛ 'yö 'a- -ya -a mɛ 'dhe 'wo -ɡɔmɛ -nu 'ka bha- -nu -kuu "dhiü □ple 'gü, kɛ "dhü kö yɛ bha- 'dhe 'a- kɛ siɛ waa- 'dhe 'ma- kɛ 'nu bha ('wa 'dho- pö- -bha □dhe wo -kɔ 'yaa- 'gü ö-) "ɡbaa -yö to.

³ 'Dho 'yi- wo bha n "tayɔɔ 'ö -kɛ Titö 'ka, 'ö Glekö 'ka, ('ö 'yaa Zuifö 'ka kö yöö 'go 'gbannɛ 'gü, "kɛɛ 'ö □ya 'dhang bho 'pö Yesu -wɔn "dhiü) bha, -ɡɔmɛ -nu bha 'wii -ɡban -a -dho 'gbannɛ 'gü -wɔn 'gü, (yɛ 'a- -kɛ bha- "dhia -zian □nɛ kɛ ma- -nu 'gü).

⁴ "Kɛɛ 'sa kö -dɪ -kɛ kwa dheebhang 'ka Yesu -bha ziantamɛ -nu -wo yi kpö 'gü mü 'ö gun

wo -zë -nu "piü □dhe -yö 'dho 'gbannë 'gü gbonggbongdhö. Me 'wo "dhü bha -wo -kaan yi 'ka □dhe 'wonsuanbhome -nu 'dhö yi tii' 'ka, kö -ya -dı 'flëë- 'gü -sü 'kwa- □slɔɔ Yesu Klisi 'saa- 'gü bha 'wo- dɔ. 'Sa -yö -gun wo -zë -a -nu "piü 'nu □dhe 'wo yi "gan □në- wo 'zü -deewo kö 'wo yi -da □dhuëngdhe bha- 'gü wo "piü.

⁵ "Kεε -a -nu -bha -nëng 'gü -sü 'ö "dhü bha- □gban 'gü 'yii- "wɪ- -nu -gɔ -bha tongtongdhö, kë "dhü kö tɛan- -zian 'yi- -zɔn 'mε 'kaa Zuifö 'ka ka -dhe 'ö -gban Atanna -bha naɔ -së -bha bha 'ya 'dho 'go "gblɔɔ.

⁶ 'Sa 'mε 'wo -kë "yan -to Atanna -bha 'kɔdhigüme -nu -bha -mε -nu 'ka -a -bha zian -ta 'ö 'wo gun -gɔmε -nu 'ka bha, -a -nu -bha -kë "dhü -sü □gban waa- -bha -bha 'wii 'tɔng- -dee 'bha dɔ yi -dhe, "kεε n "tɔ -zian 'yaa gun- -nu -bha -kë -gɔmε 'ka -sü -bha, -a -gɛn -mü □dhe Atanna 'yaa mε -zë 'gü zë kö -yö mε 'bha fië- bho mε 'bha -bha.

⁷ "Kεε woo -zian -zë, □dhe 'kö 'wo- 'wɔn -zë dɔ □dhe Atanna □në n -ya ö -bha naɔ -së bha- -dɔ mε 'waa Zuifö 'ka -a -nu -gɔmε 'ka, □dhe -kɔ 'ö Piedhö 'dhö- 'ka Zuifö -nu kpö 'gü 'pö -a 'dhö, -a "dhia □në ma- -nu 'gü.

⁸ 'Sa mε do 'ö Piedhö -ya Yesu -bha bɔmε 'ka Zuifö -nu kpö 'gü bha □në n -ya 'pö 'mε 'waa Zuifö 'ka- -nu kpö 'gü.

⁹ □Dhe 'ö □waa- 'wɔn dɔ □dhe Atanna yöö □dede □në -gasite bha- -kë n -dhe, Zakö waa- Piedhö waa- Zan 'wo □dhe □kaɔ 'ö -ya -sü 'ka -a -bha mε -nu 'wo Zedhizadhëmö -a -nu -gɔ -a 'dhö bha, -wo wo -kɔ □në- -da yaa- Baanabasö yi

□kweng, 'yö yi -wu -yö -kë do -a -bha yë bha- kë -sü 'gü □dhe: yi -zë 'yi 'dho yi -bha 'ka 'me 'waa Zuifö 'ka- -nu kpö 'gü, kö wo -zë 'wo 'to wo -bha 'ka Zuifö -nu kpö 'gü.

¹⁰ -Dhio 'wo- do yi -ta 'yö 'wo- pö □dhe yi -zu 'ya 'dho bhö "flεεε -nu 'wo- -nu kpö 'gü bha □në- -nu 'ka doseng kö 'yi- -nu -ta 'kun. 'Sa yii -dɪ 'pö yi kë pë □gban -pë □gban -kë kö 'ya 'dho □fië -dhio 'ko bha □në- -bha tongtongdhö.

¹¹ "Kεε □dhe 'ö Piëdhö □ya nu Angtiosö yi do 'ka, 'mii -kpla -go, a kë □sua -ye "yan- me kpö 'gü. -A -gen -mü □dhe 'ö gun "dhü kö □ya zian 'to.

¹² -A pö 'a- wo "dhü bha- 'klɔɔ- -mü □dhe 'ö gun kö 'me 'wo go Zakö -dhe 'gü Zedhizadhemo 'wii nu □kö kwa -dhe 'gü, Piëdhö waa- 'me 'waa Zuifö 'ka 'ö □wa bo Yesu 'ka -wo -gun pë -bhö sië wo "kwëë, "kεε □dhe 'ö 'me 'wo bha □wa nu □wa □loo mü, 'yö ö bo pë -bhö -a -nu "piü -sü 'ka, kö -yö "suö sië 'me 'wo □nëng me □gban -go 'gbannë 'gü -wɔn 'gü bha- -nu -go.

¹³ □Dhe 'ö kwa dheebhang Zuifö -nu 'dhe 'wo gun mü bha 'wo- -dhe yö, 'yö 'wo wo zü bo Piëdhö 'ka, 'yö 'wo -kan 'pö 'me 'waa Zuifö 'ka bha- -nu -bha. 'Yö Baanabasö yöö -dɪ 'pö 'ö -da □flü bha- 'gü- -nu "piü.

¹⁴ □Dhe 'a 'wɔn bha- -dhe yö, 'ö 'a- 'wɔn do □dhe tεan- -zian 'ö Atanna -bha nao -së bha 'ö kwa □klang -kë 'ka bha 'waa- -ta 'zü, 'yö 'a- pö Piëdhö -dhe me □gban "yaan mü 'a- pö: «Piëdhö, bhi 'ö bhi -zë 'i Zuifö 'ka, 'bha -tosea kë 'me 'waa Zuifö 'ka- -nu kpö 'gü yö □dhe 'pë 'bhaa Zuifö 'ka -a 'dhö, 'bhii- -nu -bha 'tong- 'kun bha -oo, i -mɔɔ -bha 'zü -deewo i zun 'me 'waa Zuifö 'ka bha- -nu

"dhiü kö -wo -tosëa kë □dhe Zuifö -nu 'dhö -kö -kë □dhe?»

Me □gban "pepe -bha -dha 'dhang -bho Yesu "dhiü -sü □në- 'saa- 'gü -sü -dhiang 'ö Pödhö -ya zë

¹⁵ -A pö 'a- wo "dhü bha- 'klöö- -mü □dhe yi -zë yi -bho Zuifö 'ka, 'wii yi 'kpö Atanna -bha 'tongbhomë 'ka □dhe me "wëë -kpea 'dhö.

¹⁶ "Këë yö -zë □gban 'gü yi- 'wön dö -sü 'ka 'kpakpadhö □dhe za -yö -dhi me -gö Atanna -kuu "dhiü 'dhang -bho Yesu Klisi "dhiü -sü doseng □në- 'gü, 'yaa dö -a -bha 'tong- -kun -së -sü -bha. 'Wön 'ö- -wön 'gü 'yö yii -dì 'pö 'yi 'dhang bho Yesu Klisi -wön "dhiü kë "dhü kö 'yi dha bha 'yö bha, kë "dhü kö 'yi dha yö □në- -bha, □dhe 'ö -kë □dhe me 'bha -me 'bha 'yii 'dho dha -a -bha Atanna -bha 'tong- -kun -së -sü -bha bha- -wön 'gü.

¹⁷ □Ya kë "dhü 'me 'yi Zuifö 'ka bha 'ya yi -dì kë □dhe 'me 'waa Zuifö 'ka- -nu 'dhö kë "dhü kö 'yi dha Klisi □në- 'saa- 'gü 'dhang -bho -a "dhiü -sü "gblü "piü bha -oo, kö Klisi □në yi -kë 'wonyaakëme 'ka bha -ee? -Abin! □Ya kë □dhe 'ya yi -dì -da 'zü -deewo 'tong- -gö □dhuëngdhe 'gü kö 'yi -tosëa kë □dhe 'me Atanna 'yii -gasite kë- -dhe, 'ö ö -dì -dhi -a -dhe -dhe möö- sië 'tong- 'kun -sü □në- 'ka -a 'dhö kö 'ya "gla 'zü -deewo 'wonyaakëme 'gü □naa bha.

¹⁸ -A pö 'a- wo "dhü bha- 'klöö- -mü □dhe pë 'dhe 'kö me □ya bo- see- -sü 'ka, □yaa- baa- -dee wo kö yö □në ö -dì -da 'wön 'gü.

¹⁹ -A -gen -mü □dhe Atanna -bha 'tong- -zë 'ma ga 'nu- -gö, "këë 'sa 'tong- bha yöö □dede □në- -kë

"dhü 'yö 'a ga bha- wo, kē "dhü kö 'a -tosēa kē Atanna -bha -kē 'gü, -a -gen -mü □dhe ga 'ö Klisi -ya wo "dhü -bha bha -yö -ga ma □nē n -wɔn 'gü, □ya kē "dhü kö ma □nē 'a ga bha.

²⁰ -A kē "dhü -sü bha- 'gü kö mang □dede -zē 'maa -tosēa kē siē 'zü, 'kö Klisi □nē -tosēa kē siē n 'gü, kö ma -tosēa a- kē siē □taamasü ya- 'gü bha a- -kē 'dhang -bho Atanna -bha 'nē 'ö n -dhɔ -ya -kē 'ö ö -dɪ nu n -wɔn 'gü bha □nē- 'saa- 'gü 'dhang -bho -a "dhiü -sü "gblü "piü.

²¹ -A -kē "dhü -sü bha- 'gü, 'mii 'dho "wɪ- -bha kö 'a n -kɔ bho -gasite 'ö Atanna -ya -kē n -dhe bha- 'gü. -A -gen -mü □dhe □ya kē □dhe dha -sü 'ö- "piü -a -gen □ya kē -a -bha 'tɔng- 'kun -sü -zē 'ka, kö Klisi ga -gen 'yii kē.

3

*-Naa 'ö 'dhang -bho Atanna "dhiü -sü waa-
-bha 'tɔng- 'kun -sü -a -nu □zinng 'gü -a -dhiang
'ö Pɔdhö -ya zē*

¹ 'Aa, Gadhatö -mɛ -nu, ka -ta -ma -sü □tɔn -kɛɛ!
"ɛɛn pē □nē 'wo- -da -sü 'ka ka "yan 'gü □zɔɔ -ee?
"Kɛɛ 'sa ga 'ö Yesu -ya wo "dhü -bha bha a kē- -gen
bho ka -dhe 'ö 'a- bho ka -dhe 'ko -ta 'kpakpadhö.

² -Yö n "piü □dhe dheɛ" 'kpɔ do 'ö maa- kē ka
-gɔ bha 'ka- -yɔ bɔ n -gɔ. Atanna -bha 'tɔng- 'ö
Moizö -ya -ben zē bha- 'kun □nē 'ka- wo -sē 'yö
ö -bha 'Nii- "slüüslü nu ka -dhe, "ɛɛn -ya -nu ka
-dhe -a -bha naɔ -sē 'ka- ma 'ö 'ka 'dhang bho-
"dhiü bha □nē- -wɔn 'gü?

³ -Tama -dhe suu 'dhe 'kö 'ka- kē siē bha- kē
-gen -mü -mē 'ka "kɛɛ kö ka "ta -sü Atanna -bha
zian -ta -sü zü -bho -a -bha 'Nii- "slüüslü faan □nē-

'ka? "Een -yö ka "piü □dhe 'ka- "dhiü -ya ka -dɪ faan 'ka -ee?

⁴ "Een kö 'wɔn "gblögblö -nu 'ka -ziö 'gü bha- □gban- kë "wlaawɔn 'ka -ee? -A yö -zë yaa- dɔ □gblæen.

⁵ "Een -yö ka 'gü □dhe "dhabhliwɔn -nu 'ö Atanna -ya -kë ka kpö 'gü ö -bha 'Nii- "slööslö faan 'ka bha -ya kë "dhü "ta 'ka- sü -a -bha 'tɔng- 'ka □në- -wɔn 'gü -ee? -Abin! -Ya -kë "dhü 'dhang 'ka- bho- -bha naɔ -së ('yi- dɔ ka -gɔ) bha- "dhiü bha □në- -wɔn 'gü.

⁶ Yö □në- -wɔn 'gü 'yö -ben zë -sü 'ka -a -bha 'tɔng- 'sëedhe 'gü Ablaamö -bu 'gü □dhe: «-Yö kë 'dhang □në- bho Atanna "dhiü 'yö- pö- -bha □dhe pö 'aa- -bha.»

⁷ -A -kë "dhü -sü bha- 'gü, -a -dheɛ -bha □dhe 'ka- 'wɔn dɔ □dhe 'mɛ 'wo 'dhang bho Atanna "dhiü bha □në 'wo Ablaamö suu □dede 'ka.

⁸ 'Sa 'mɛ 'waa Zuifö 'ka za 'ö dho dhi- -nu -gɔ Atanna wëedhö -a -nu -bha 'dhang -bho Yesu "dhiü -sü 'saa- 'gü bha- -ben -yö -gun zë -sü 'ka 'pö Atanna -wu 'gü. -A pö 'a- wo "dhü bha- 'klɔɔ- -mü □dhe -ya yi -to "dhiü 'ö- pö Ablaamö -dhe 'ö- pö:

«'Dhuë- -dho "sɛgɔ "pɛpɛ □gban 'gü -mɛ -nu 'kun bhi □në i 'saa- 'gü!»

⁹ 'Wɔn 'ö- -wɔn 'gü 'yö 'mɛ 'wo 'dhang bho- "dhiü □dhe Ablaamö 'dhö, 'yö- -bha 'dhuë- -ya -nu kun bha 'yö bha.

¹⁰ "Kɛɛ mɛ "pɛpɛ 'kö 'wo- pö wo -dɪ -dhe □dhe wo -zë woo dha -sü □slɔɔ- -bha 'tɔng- 'kun -sü □në- -bha bha "dhang -dho -a -nu 'kun. -A 'klɔɔ- -mü □dhe -yö -ben zë -sü 'ka- -wu 'sëedhe 'gü

□dhe me "υυ me 'ö 'tong- "pepe 'ö Atanna -go 'sëedhe 'gü -a doseng -zian to, -a "dhang -dho -me 'kun.

11 Za -dhi me -go -sü 'ö Atanna -kuu "dhiö -a -bha 'tong- 'kun -sü -bha 'yaa -to -bha -wɔn 'ka -zianwo 'wɔn 'ö- 'gü yö -mü □dhe, -yö -ben zë -sü 'ka- wυ 'sëedhe 'gü -dhe 'bha 'gü mü 'zü □dhe:

«'Me 'ö dho kë Dhame 'ka,
 'ö Atanna dho- pö- -bha □dhe pö 'aa- -bha,
 -yö -dho 'sü -a -me -bha 'dhang -bho -a "dhiö -sü
 □në- -bha.»

12 'Sa 'me 'ö- "piö □dhe 'ö dha -a -bha 'tong- 'kun -sü □në- -bha, kö- -me 'yii "wɪ □në- wo 'dhang -bho -a "dhiö -wɔn -bha ö zuë" "piö bha. -A -gen -mü □dhe -yö -ben zë -sü 'ka -a -go 'sëedhe 'gü □dhe:

«'Me 'ö pë 'ö 'tong- -ya pö- 'gü -wɔn -kë,
 -a -me -dho dha yö □në- -bha.»

13 "Kεε Klisi □ya kwa dha 'tong- 'kun -sü -bha "dhang bha- -go. -A 'kloo- -mü □dhe "dhang 'ö yöö kwa 'kun 'nu 'tong- bho -wɔn 'gü bha Atanna yaa- -da -a "piö, □yaa- kë kwa -go -ta 'dho -pë 'ka. -A -gen -mü □dhe -yö -ben zë -sü 'ka Atanna -go 'sëedhe 'gü □dhe:

«Me "υυ me 'wo- dun "dhü -zë -bha,
 kö "dhang □në- -me -bha.»

14 Kë "dhü kö 'dhuë- 'ö Atanna -ya "plüün bho Ablaamö -dhe ('ö -gban dha -sü 'ö 'dhang -bho Yesu "dhiö -sü 'saa- 'gü bha- -bha) bha -yö kë 'pö 'me 'waa Zuifö 'ka- -nu -dhe Yesu Klisi □në- 'saa- 'gü, kë "dhü kö Atanna -bha 'Nii- "slüöslü 'ö- "plüün bho bha 'kwa- □slɔɔ 'dhang -bho "dhiö -sü □në- "gblυυ "piö.

15 N dheebhang -nu, a -dho 'wɔn zaon 'sü me 'bhu- -nu kwa wɔ -ko □nē- -ta 'yö 'a 'wɔn bha- 'klɔɔ- pö- 'ka ka -dhe. -Yö n 'gü □dhe kö me -yö 'to "yaan -yö ö 'kean- -gblü -ko pö, □ya ga yi 'ö- 'ka, -ko do 'ö- pö- 'ka bha 'yö 'wo- -kē 'ka, 'waa- bho- -bha "εεn 'waa- 'bha -da -ta. "εεn 'yaa "dhü -ee?

16 Atanna -yö "plüün -bho 'pö Ablaamö -dhe -ko do bha □nē- 'gü waa- suu 'dhö. 'Yaa -ben zē -sü 'ka -a -wɔ 'sēēdhe 'gü □dhe: «Kaa- i suu -nu», □dhe pē 'ö 'gbe -a 'dhö, "kεε -ya -pö: «Kaa- i suu». Kē "dhü kö -ya -zɔn kwa -dhe □dhe -yö -wɔ Klisi yöö do □nē- 'ka.

17 'Ma- pö "dhü kö a- -pö Atanna □ya ö bo 'nu 'wɔn 'ö yöö kē dhia" bha- "kplēng bho -sü 'ka Ablaamö -bha 'nu yi 'bha 'ka □dhe -ko 'wo 'kean- -gblü 'ka bha- 'dhö, 'yaa -bho -bha -pē 'ka 'zü, -a 'klɔɔ- -mü □dhe 'ö 'tɔng- -zē do "töng 'ö- 'gü bha kö 'ö 'wɔn bha- "plüün bho Ablaamö -dhe -a -kwe □ya kē -kwe kēng -yiisiö waa- -kwe -kaong -yaaga. □Ya kē "dhü kö 'tɔng- 'kö bha 'yii 'dho pē 'bha bho "plüün 'kö Atanna -ya bho bha- -bha 'zü □naa bha.

18 -A -kē "dhü -sü bha- 'gü, □ya kē □dhe 'wɔn -sē 'ö Atanna -ya "plüün bho "dhü bha me □yaa- □slɔɔ- -bha 'tɔng- 'kun -sü -zē -bha, kö 'yii kē "plüün 'kö- bho bha- 'gü -wɔn kē -sü 'ka □naa bha. "Kεε 'sa kö -yö -gasite -ziisü bha- -kē Ablaamö -dhe "dhü "plüün 'ö- bho- -dhe bha □nē- -wɔn 'gü.

19 'Sa □ya 'to yö -zē -bha kö Atanna -bha 'tɔng- do -gen □nē kē -kē -mē 'ka? 'Tɔng- do 'ö- wo bha -ya -wo "dhü kö 'ö- -da ("plüün 'ö- bho Ablaamö -dhe bha □nē- -ta) kö 'wɔn 'dhe 'ö 'yaa-

-dhidhewon 'ka bha me "bhü- -nu -wa do □në-wo, kö -yö 'to- 'ka "dhü -yö zun- 'ka Klisi 'ö Ablaamö suu 'ka 'ö Atanna -ya -dhiang zë bhanu -sü -bha. Atanna -bha "kië -nu -wa "dhiü -loo Moizö □në- -bha 'yö- □loo kwa -bha.

20 ("Κεε "plüün 'kö- bho Ablaamö -dhe bha) yöö □dede □në- □loo- -bha, 'yii bo- 'ka me 'bha -ta.

21-22 'Ka 'dho ka -zö 'gön □dhe □ya kë "dhü kö "plüün 'ö- bho "dhü bha □ya bho- -bha □naa bha. -A 'kloö- -mü □dhe me- -dha 'nu 'tong- 'kun -sü -zë -bha Atanna wëedhö kö 'yii 'dho me -mawon 'to 'dhang -bho Yesu "dhiü -sü -zë -bha. "Κεε 'yaa "dhü. -A -gen -mü □dhe -a -wö 'sëedhe -ya -pö kwa -dhe □dhe me □gban "pepe -wo 'wön yaa -gö □dhuëngdhe 'gü, kë "dhü kö 'wön 'ö- "plüün bho bha 'me □wa 'dhang bho Yesu Klisi "dhiü □në -wa □slö.

23 'Ö gun kö dha -zian 'ö bo 'dhang -bho Yesu "dhiü -sü -ta bha- "dhiü 'yii "pu □kö kwa -gö, me □gban "pepe kwa -gun □dhuëngdhe 'gü 'tong- □në- -gö, 'me 'ö yöö zian bha- "pu kwa -dhe bha- "dhiü "gan kian 'ka.

24 -A -kë "dhü -sü bha- 'gü, 'tong- □në gun "yan 'to sië kwa -bha 'ö dho 'ö zun- 'ka Klisi nu -yi -bha, kë "dhü kö kwa -kë "slüöslü -sü 'ö Atanna wëedhö bha- -gen -yö -gban 'dhang -bho Yesu "dhiü -sü □në- -bha.

25 "Tüng 'kwa gun do sië- -gö "dhü bha □ya □loo, kwa -gö dhiü me 'ö gun bha kwa -kö 'yaa- -gö -gwë □wlöö 'zü.

26 -A pö 'a- wo "dhü bha- 'kloö- -mü □dhe 'dhang 'ka- bho Yesu Klisi -wön "dhiü bha ka -kë Atanna -bha 'në 'ka yö □në- -wön 'gü.

27 Με "πεπε 'ö □wa ka -bo Yesu 'ka -zu bho bha-
 "dhiü -bha □ya kë □dhe 'pë 'ka "bhεε -dee -da -a
 'dhö. -A "bhεε -dee 'ö "dhü bha □në Klisi 'ka.

28 -A -kë "dhü -sü bha- 'gü, Zuifö -mü i 'ka "εεν
 'bhaa Zuifö 'ka, □dhuëng -mü i 'ka "εεν 'bhaa
 □dhuëng 'ka, -a 'bha 'yaa- 'gü 'zü. Dhebho -mü i
 'ka "εεν gcoo- -mü i 'ka, -a □gbaan yën, -a 'kloo-
 -mü □dhe me □gban 'ka kë do ka -bha -kplü Yesu
 Klisi -bha -sü 'saa- 'gü.

29 -A -kë "dhü -sü bha- 'gü, □ya kë □dhe 'ka kë
 Klisi -zë -bha 'ka, kö 'ka kë Ablaamö suu 'ka □naa
 bha, kö Atanna -bha -gasite bha -yö -dho kë ka
 -dhe □dhe -ko 'ö- "plüün bho- 'ka Ablaamö -dhe
 bha- 'dhö.

4

1 'Pë 'ö n "piü □dhe 'a- pö bha -kaa -ga 'ö ya:
 Yö -mü □dhe 'në 'ö- -dhe 'dhö- -bha □dhe yö □në
 -yö ö dë 'kean- 'sü -dhe 'bha □kpao -yi -bha bha,
 'kö 'zü pë "πεπε 'ö mü -a □gban yöö kë- -bha 'ka,
 "κεε "töng 'ö -tun 'ka 'në 'dëde 'ka bha kö □zinng
 'bha 'yaa waa- □dhuëng 'ö 'kcoodhö 'mü bha- -nu
 □zinng 'gü.

2 -A 'kloo- -mü □dhe 'ö -tun 'në -zë 'ka "dhü
 "töng 'ö- 'gü bha kö -yö -tun 'me 'wo "klü bho
 sië waa- -bha □kwεε- -nu bha- -nu -bha bha □në-
 -nu -ko -bha, 'ö to- 'ka "dhü 'ö zun- 'ka yi 'ö- dë
 -ya -ya bha- -bha.

3 -Kö do bha- 'gü, 'ö -gun kö kwa -tun 'në 'ka
 Atanna -wcoo "gblüü "piü, kö kwa -tun □dhuëng
 'ka 'pö "kpung □taa -wcoo -nu -go.

4 "Κεε □dhe 'ö "töng 'ö Atanna -ya -ya □ya □loo,
 'yö ö Gbö bo, 'yö dhebho do -ya kpo, 'yö dho

'pö 'ö -da 'tong- 'ö- do Zuifö -nu -dhe bha- -go
 □dhuëngdhe 'gü,

⁵ Kë "dhü kö ö -ko -yö □moo 'me 'wo gun 'pö
 □dhuëngdhe 'gü 'tong- bha- -go bha- -nu dha -sü
 -bha, kë "dhü kö 'kwa kë 'pö Atanna -bha 'në 'ka.

⁶ 'Wön 'ö- -wön 'gü 'yö ö Gbö -bha 'Nii- "slüöslü
 bha- -ya kaa -dı 'pö 'gü bha 'yö bha, kë "dhü kö
 -ya -zön □dhe ö -bha 'në -mü ka 'ka. -A 'Nii- 'ö
 "dhü bha □në- -kë 'yö 'kwa- -dhe kwa baa".

⁷ -A -kë "dhü -sü bha- 'gü, kö 'kaa □dhuëng 'ka
 'zü, kö 'ka kë Atanna -bha 'në 'ka, 'sa □ya kë "dhü
 kö 'pë 'ö- -ya -dhekpao dhia" saan 'ka ö -bha 'në
 -nu -go bha 'ka kë 'pö- □slöome 'ka □naa bha.

*Pödhö züë" 'ö 'yaa gun 'waanu -sü 'ka Gadhatö
 -me -nu "piö -a -dhiang 'ö- zë*

⁸ 'Ö gun kö 'kaa Atanna do, pë -nu 'ö 'waa
 Atanna □dede 'ka bha □në 'ka gun- -nu -bha
 □dhuëng 'ka 'yö 'ka gun- -dhökë sië.

⁹ "Kee do 'kwa- wo □taamasü ya- 'gü 'ö 'ka- do,
 -ee 'zü 'ö □ya ka do bha, -a -dhe 'yaa- -bha □dhe
 'ka -da 'zü -deewo □dhuëngdhe 'gü "wlaapë -nu
 'ö 'sı 'yaa- -nu -dhe bha- -nu -go.

¹⁰ 'Sa ka -tun □kö -dhekpaoyi 'bha -nu, "een "su
 'bha -nu, "een "töng 'bha -nu, "een -kwe 'bha -nu
 'wo mü -a -kian 'gü do 'kwa- wo ya- 'gü.

¹¹ -A -kë "dhü -sü bha- "suö -yö n 'gü □dedewo.
 -A 'klöo- -mü □dhe 'yaa n "piö □dhe Atanna -bha
 yë 'a- -kë ka kpö 'gü bha -yö kë "wlaawön 'ka.

¹² -A -kë "dhü -sü bha- 'gü n dheebhang -nu, -ka
 do "gbı-, bhea" □në 'a- wo ka -dhe kö 'ka bhö n
 -bha. (Ka ka -dı -da -kpla bha- 'gü 'zü -më -wön
 'gü 'yö 'kaa ka kwaa- -zü.) "Een ma -zë 'maa □dhe

□nē- wo □dhε ka 'dhö -ee? ("Εεν 'maa gun Zuifö 'ka 'mii n -dī kē □dhε 'mε 'yaa Zuifö 'ka -a 'dhö -dha 'dhang -bho Yesu "dhiü -sü 'ö 'yii -gban 'töng- 'kun -sü bha bha- -wön 'gü -ee?) -A pö 'a- wo "dhü bha 'yii kē □dhε 'ka 'wön yaa 'bha □nē kē n 'ka.

13 'Sa 'wön 'ö- -wön 'gü 'yö 'a Atanna -bha 'wön -taöng -sē bha- -bleblesü pö ka -dhε ka- -dö. Ka- 'wön -dö 'kpakpadhö □dhε 'ö gun "dhü kö n 'gü □nē 'yaa -sē.

14 'Sa n 'gü -siö -sü 'ö "dhü bha yö -zē □gban 'gü, ka -wēedhe 'ö- "sinma -yö bho n "piü bha "kεε 'kii -yēngg kē n -gö kö 'ka ka -kō "kan n "dhiü. Ka kē ka -kō -zian □nē- -ya n -dhεng -bha □dhε mε- pē -ya Atanna -bha "kiē -dhεng -bha, "εεν □dhε mε -dö Yesu Klisi yöö □dede -a 'ka.

15 Ka □nii 'sinma 'ö -da n -wön 'gü "töng bha- 'gü bha -yö -kē mü □dhε □dεε, -mē -wön □nē ka "dhiü □slöw? 'Sa a -möö -bha 'a- pö- "töng 'dhe 'kö bha- 'gü □dhε ka -möö -bha 'nu 'ka ka "yanga -zian bho mü 'ka- nu n -dhe!

16 "Εεν teanwön 'a- pö ka -dhε bha- -wön 'gü, 'ma kē ka 'yao- 'ka □dεε -ee?

17 'Sa 'mε 'ka- -nu fiē- bho siē n -bha □dεε bha a- -pö ka -dhε □dhε "kpēngg- □nē 'wo- kē siē ka -gö bha. -Sē 'wo- kē siē ka -wön "dhü 'ö 'wo ka -yanyan -ya siē bha 'yaa "gblüüdhe 'puu -ta. -Ya -nu "piü □dhε 'wo ka wē □nē bho n -ta kö 'ka -kplü wo □nē wo -bha.

18 "Kεε 'sa mε -wön -kē mε -gö "gbü- -sü bha 'yaa 'wön yaa 'ka, "kεε kö yö "dhü 'wön -sē □nē- 'gü, 'ö "dhü 'pö "töng □gban 'gü. "Kεε ka -bha bha 'yaa "dhü, 'a ka kpö 'gü □naa 'yö n -wön -yö -kē ka -gö.

19 N bhang -nu, 'wɔn 'ö- -wɔn 'gü 'yö n "gblüüdhe 'dhö -tun n piü- 'zü -deewo ka -wɔn 'gü □dhe dhebhɔ 'ö yöö 'në 'kpɔ -a 'dhö, 'ö dho to- 'ka "dhü 'ö zun- 'ka yi 'ö me □gban dho- 'wɔn dɔ- 'ka □dhe Klisi □ya -wɛɛ □dede 'kun ka kpö 'gü -a -bha bha 'yö bha.

20 -A "sɪ □në 'yaa n -dhe "kɛɛ -kë ka -dhe 'gü -sü 'ö "töng ya- 'gü 'nu kö 'a dhiang bha- zë ka -dhe -kɔ "wɛɛ 'bha 'gü 'nu bha- -dhɔ 'ö n -bha -a "sinma 'yaa 'dhö, -a 'klɔɔ- -mü □dhe ka -wɔn "suü □dede -yö n 'gü "töng ya- 'gü.

'Wɔn zɔn 'ö -gban Agaa waa- Saadha -a -nu -bha 'ö Pɔdhö -ya -zɔn

21 'Mɛ ka- "piü □dhe 'ka 'to 'tɔng- □gban □wlöö bha 'ö □ya kë □dhe 'pë 'ö 'tɔng- -ya pö 'kaa- 'gü □në- ma kö 'ka- pö n -dhe.

22 -A pö 'a- wo "dhü bha- 'klɔɔ- -mü □dhe 'tɔng- -ya -pö □dhe Ablaamö bha -yö 'nëgɔɔn □ple □në- kpɔ. Waa- -bha □dhuëndhe ('wo- -dhe Agaa) □në 'wo- do kpɔ, 'yö waa- -dɪ "sɔn 'gü "pɛ -dhe 'ö yö -zë 'ö 'wlɔɔ- 'ka ('wo- -dhe Saadha) bha 'wo- do kpɔ.

23 'Në 'dhe 'ö- kpɔ □dhuëndhe "dhiü bha -ya -kpɔ □dhe -kɔ do 'wo 'në kpɔ- 'ka 'wo -bhɔ 'ka zii 'nu bha □në- 'dhö. "Kɛɛ me 'dhe 'ö- kpɔ- me 'dhe 'ö 'wlɔɔ- 'ka, 'ö- "sɔn 'gü "pɛ -dhe 'ka bha- "dhiü bha yö -zë -yö -bhɔ Atanna -bha "plüün 'ö- bho- -dhe bha □në □yënnng 'gü.

24 Kë 'ö- wo "dhü bha -yö -kë "dhü kö -yö kë 'wɔn zɔn □në- 'ka: -A dhebhɔ -nu □ple 'wo bha -wo □dhe -mlɛɛ □ple 'ö Atanna -ya -da waa- me "bhɪ- -nu -a -nu □zinng 'gü bha □në- 'dhö. -Mlɛɛ

bha- -blɛsü 'ö- -da waa- Izraɛdhö -mɛ -nu -a -nu
 □zinng 'gü Sinai -tɔn □gbin- bha- -zɔn 'ka □në
 Agaa 'ka. 'Në "pɛpɛ 'dhe 'kö bhɔ -mlɛɛ bha- 'gü
 kö -wo □dhuəng □në- 'ka.

²⁵ Agaa bha □në □dhe Sinai -tɔn 'ö Adhabi -sɛ
 'gü bha- 'dhö, waa- Zedhizadhɛmö -dhe 'dhe 'ö
 "kpɔng □taa □dɛɛ 'ö waa- 'gü -mɛ -nu □gban 'wo
 (Moizö -bha 'tɔng- -nu -gɔ □dhuəngdhe 'gü) bha
 □në 'wo do.

²⁶ "Kɛɛ kwa -zë Zedhizadhɛmö -pö 'dhe 'ö
 dhang- 'gü, 'ö 'wɔɔ- -pö 'ka bha, yö □në □dhe
 kwa dhe 'dhö.

²⁷ -A pö 'a- wo "dhü bha- 'klɔɔ- -mü □dhe
 Atanna -wɔ -ya -pö □dhe:

«Dhebho 'ö 'në 'yaa gun i -gɔ bha i □nii -yö -da,
 bhi 'ö 'bhii 'në 'kpɔ "gblüüdhe piü- do bha,
 -bhö "yɔɔ 'sü zuë" □nii -da 'ka!

-A 'klɔɔ- -mü □dhe □saandhe
 'ö □wa gun □wa wo kwaa- -zü bha
 -yö -dho 'në 'gbɛ □slɔɔ
 'ö -ziö 'ka □dhɔɔdhe -ta.»

²⁸ Ka -zë, n dheebhang -nu, ka □dhe Izaakö 'wo-
 kpɔ "plüün 'ö Atanna -ya bhɔ -a □yɛnng 'gü bha
 □në- 'dhö.

²⁹ 'Ö gun zii 'kpa, 'në 'dhe 'ö bhɔ □dhe "kpɔng
 □taa -në -nu 'dhö bha -yö -gun Izaakö suu 'gü
 -në 'ö yö -zë 'ö bhɔ Atanna -bha 'Nii- "slüüslü
 dhɔɔbhaa 'ka bha- -wëë -kë "dhiü bhɔ sië. 'Sa
 -yö -tun "dhü □dɛɛ.

³⁰ "Kɛɛ yö -zë □gban 'gü, Atanna -wɔ -ya -pö 'ö-
 pö:

«-Bhö □dhuəngdhe bha waa- gbö bha- -nu kë
 kö -wo 'dho, -a 'klɔɔ- -mü □dhe

-a -dhe 'yaa- -bha □dhe waa- dhebho 'dhe
 'ö 'wloɔ- 'ka bha- gbö -wo -ya 'kean- do -ta.»
 31 -A -kë "dhü -sü bha- 'gü n dheebhang -nu, kwa
 -zë 'kwii kë □dhuëndhe bha- 'gü -në 'ka (kö 'kwa
 kë 'tong- -gɔ 'kun 'gü), 'wloɔdhe bha □në 'kwa-
 -bha 'në 'ka, (-a -wɔn 'gü, Atanna -mɔɔ -bha 'ö ö
 -kɔ -ya kwa -bha kwa -bha 'dhang -bho -a Gbö
 "dhiö -sü -wɔn 'gü.)

5

*-Go □dhuëndhe 'gü -kɔ 'wo -pɔ taa -sü □slɔɔ
 -a -dhiang 'ö Pɔdhö -ya zë Gadhatö -mɛ -nu -dhe*

¹ Kwa bho 'ö Klisi -ya wo □dhuëndhe 'gü bha
 -ya kë "dhü kö 'kwa -ya □dede □në- wo kwa 'flëë-
 'gü. -A -kë "dhü -sü bha- 'gü, -ya -dɪ 'flëë- 'gü -sü
 'ka- □slɔɔ bha -kaa 'kun "gbɪ- kö 'ka 'dho -da 'zü
 -deewo □dhuëndhe 'gü.

² -Ka -dhe -ga, mang Pɔdhö -mɛ ma □në 'a-
 pö ka -dhe. □Ya kë □dhe kö 'ka 'dho 'zü -deewo
 'gbannë 'gü (□dhe Zuifö -nu 'dhö kë "dhü kö 'ka
 dha), kö Klisi -ga ka -wɔn 'gü -gen 'yii kë.

³ A- -pö ka -dhe 'zü -deewo 'a n kɔngga -ziö 'ka
 ka -dhe "sɛɛ □dhe mɛ "ɔɔ mɛ 'ö dho 'gbannë 'gü
 (kë "dhü kö 'ö dha), kö- -dheɛ -bha □dhe -a -mɛ
 'ö 'dhö, Atanna -bha 'tong- 'ö -ben zë -sü 'ka bha
 -ya □gban 'kun, 'ya 'dho- do -zian 'to.

⁴ Mɛ 'ka ka -dɪ "dhia -ma Atanna 'gü -dhe mɔɔ-
 sië- -bha 'tong- 'kun -sü □në- 'ka bha, a- -pö ka
 -dhe □dhe 'ka- kë "dhü kö 'ka "kan Klisi -bha, 'sa
 kö -gasite 'ö Atanna -ya -kë ka -dhe 'ö ka dha bha
 'ka "kan- □gban □në- -bha bha.

⁵ Yi -zë yi -bha 'ka, yi -zv 'dhö- 'dhe 'ö- 'gü, 'ö 'yi -ya -sü 'ka- -gɔ, yö -mü □dhe pö 'yii 'dho kë yi -bha Atanna wëedhö yë 'ö- -bha 'Nii- "slüöslü -ya -kë kwa -bha -zv -yö -a -dhe -sü 'gü, -a -bha 'gügbudhe -bha bha □në- -bha.

⁶ -A pö 'a- wo "dhü bha- 'klɔɔ- -mü □dhe □ya kë □dhe 'kwa -kplü -sü -zë 'ka Yesu Klisi -bha, -dho 'gbannë 'gü -sü oo, -to -kplëe 'ka -sü oo, -a 'bha 'yaa 'wɔn 'bha 'ka, kö 'wɔn 'ö □ya 'to 'wɔn □bhlëesü 'ka yö -mü 'dhang -bho Yesu "dhiü -sü 'ö -me -ya 'gü -wɔn □gban -kë -dho 'gü bha □në- 'ka.

⁷ 'Wɔn bha- zü 'ka kë- bho "dhiadhasü 'ka bha 'dee ka -kɔ bho- -bha? 'Dee- pö 'ka Atanna -bha tɛanwɔn bha- bho ka "tɔv?

⁸ -Yö kë ka "yaan □dhe -wɔ 'wo- pö ka -dhe 'ö ka -zv kun bha 'yii 'go Atanna 'ö ka -dhe sië bha- "piö.

⁹ 'Sa -a pö 'wo- wo □dhe "sɛkɛ 'në 'dɛdɛ 'ö 'dhö □waa- -da 'bluu- -büü -bha -ya -da "dhiü bha 'yaa □sua 'ka. (-A -wɔn 'gü kö me do zian -ya kë "dhü ka kpö 'gü -yö -mɔɔ -bha 'ö 'me □gban bho zian -ta.)

¹⁰ "Kɛɛ 'kö 'zü yöö kë "dhü, n Dëme bha -yö n -zv -gban ka -wɔn 'gü, 'ö n 'dhang bho -sü 'dhö- "dhiü 'kpakpadhö -a -wɔn 'gü □dhe ka -dho ka -zv 'gɔn 'pö □dhe -kɔ 'a- gɔn- 'ka -a 'dhö. 'Sa 'me 'ö Atanna -wɔn 'ma sië -zukplü -bha ka -gɔ bha, kö 'zü 'ö -kë me "ɔv me 'ö- 'ka, Atanna -dho 'wɔn bho- 'gü.

¹¹ Ma -zë n -bha 'ka, n dheebhang -nu, 'mii- pö □dhe 'me 'bha 'go 'gbannë □në- 'gü 'yö 'i dha -sü □slɔɔ. A- -pö 'me 'bha bɔ Klisi 'ö ga "dhü -bha

bha □nē- 'ka 'yö 'i- □slōō. 'Wōn 'ö- -wōn 'gü 'yö 'wo n -wēē -kē "dhiü bho siē -kpeawo bha 'yö bha. Yö -zē 'yaa "dhü 'nu kö 'yii 'dho kē mē 'bha -siōdhewōn 'ka.

¹² 'Wōn -zian 'ö n zuē" 'dhö bho siē- -bha yö -mü □dhe kö 'mē 'wo ka □klang kē siē "dhü, 'ö 'wo ka zuē" kaan- siē "kwēē 'ö- -nu "piü □dhe 'ka 'dho 'gbannē 'gü bha (-wa 'dhe -zian 'ö -ziō -a 'dhe bha- -ta bha- kē), kö -wo wo bho gōōndhe 'gü, kö -nu 'gü □nē -yö see- do.

¹³ "Kεε ka -zē, n dheebhang -nu, ka -dhe 'ö Atanna -ya wo bha -ya -kē "dhü kö 'ka -da ka 'flēē- □nē- 'gü. -Kaa kē □nē- wo -sē kö -a -ya -dī 'flēē- 'gü -sü 'ö "dhü bha 'ka 'dho- kē 'wōn -dō 'gü -gō 'ka kö 'ka -tosεa kē ka -dī dhōōbhaa 'ka. Kaa -zian -zē -ka -tosεa kē -dho □nē- 'gü ka 'ko "piü kö 'ka ka 'ko -nu -ta 'kun.

¹⁴ -A -gen -mü □dhe Atanna -bha 'tōng- "pepe bha- □gban -yö -slōō -a doseng □nē- 'gü. 'Yö -kē: «I këyōō -dho -yö i kē □dhe i -dī 'dhö» bha- 'ka.

¹⁵ "Kεε □ya kē □dhe 'kii "yan -zē dō ka 'ko -nu -bha, kö 'ka ka 'ko 'kun □dhe "bü -wü -nu 'dhö, kö kaa ka 'ko -nu 'gü see- □naa bha. -Ka ka -dī 'kun yö □nē- -gō.

Atanna -bha 'Nii- "slöüslü -wu □bhlēē -ya -sü -dhiang 'ö Pōdhö -ya zē

¹⁶ 'Ö "dhü 'dhö -mü, (n dheebhang -nu,) -ka dō 'gbü- kö 'ka ka "tō 'to Atanna -bha 'Nii- "slöüslü 'ö ka 'gü bha- -wu -bha kö 'ka- □bhlēē -ya, kö yö □nē -yö zun ka -dhe "dhiü. 'Ka 'dho -tosεa kē ka -dī □nii -bha.

17 -A -gen -mü □dhe -tosea 'dhe 'ö me -ya -kë me -dī □nii -bha bha waa- 'dhe 'ö go Atanna -bha 'Nii- bha- 'gü bha- -nu kë -ko 'yaa do, 'yaa bhö -zianwo 'kwëë-. 'Wön 'ö- -wön 'gü 'yö 'kii 'dho ka -bha 'ö -dhi ka -dhe □në- kë bha 'yö bha.

18 □Ya kë □dhe Atanna -bha 'Nii- 'kö bha 'ö ka -dhe "dhiü, kö- -bha 'tong- 'yaa ka -ta 'zü □naa bha.

19 'Sa me -dī -dhidhewön -nu 'ö 'dhö 'yaa □dheng. Yö -mü "yënnng do -sü -nu oo, -zua zë -sü -nu oo, 'wön "bhluubhlu -nu kë -sü -nu oo,

20 □gebho -nu -dhökë -sü -nu oo, "zudhe kë -sü -nu □në- 'ka, 'yö 'wo -ya wo 'ko -san 'ka, 'yö 'wo "dhinaa -nu ma, 'yö 'wo □dro -nu -kë wo "kwëë, 'yö bhlo□ □në ma me 'gü 'wön □gban -wön □gban 'gü, 'yö 'wo -kë -due 'koo- -me □në- 'ka, 'yö 'wo zaodhe -da wo "kwëë, 'yö 'wo wo 'ko -nu -pe 'gü.

21 Zuë" -bhö pë -bha -sü -nu, we "gblüglbü mü -sü -nu, waa- "gblüüdhe "gbeadhë kë -sü -nu 'wo bha, "εεη 'zü 'wön -nu 'wo bhö -a 'dhe -nu bha- -nu -bha bha- kë -sü -nu bha □në- 'ka. 'Sa 'ma- -blæssü pö 'nu ka -dhe, 'yö 'a- 'bha pö sië 'zü bha: A- -pö □dhe me "pepe 'wo -tosea -kë □dhe -ko bha- 'dhö -a 'bha 'wii 'dho -due □slö□ Atanna -bha -gblüädhe bha- 'gü.

22 "Kεε Atanna -bha 'Nii- "slüöslü -zë -yö -dhö □në- -da me -zu -bha, 'yö me □nii -yö -da, 'yö me zuë" -yö 'waanu, 'yö me zuë" -yö -kë 'zü -sea, 'yö me "klü 'dhö -dhi, 'yö me 'dhö □gba□ me -nu -g□, 'yö me 'yaa -wu □ple pö, 'yö me 'dhö -kë dhongdhongsü me "pepe □gban -dhe, 'yö me -ko -yö □m□□ me -dī □song -bha.

23 'Sa -tosεa -kē -kɔ suu 'dhe 'kō bha Atanna -bha 'tong- 'yaa -kɔ 'ka.

24 Με "πεπε ö □wa kë Yesu Klisi -bha 'ka, wo -zē □wa wo bo wo -dɪ 'ka, 'wɔn yaa -nu 'wo gun- -nu -dhidhewɔn 'ka, 'ö- -nu zuë" gun bhɔ sië- -bha bha □wa "kan- -bha, □wa kë □dhe me □ya ga -zian □në- wo 'pë 'ö- -gɔ -a 'dhö.

25 □Dhe 'ö -kë □dhe Atanna -bha 'Nii- bha □në □sii -kë kwa -dhe bha, -a -dhea -bha 'pö □dhe yö □në -yö zun kwa -dhe "dhiü kwa "ta -kɔ -nu 'gü.

26 'Kwa 'dho kwa -dɪ 'sü 'kpii-, 'ö 'kwa kwa 'ko -nu -wɔ ga -wo 'ka- -nu -bha, "εεn 'zü 'ö kwa "tεado -san -yö kwa -kë -a -dɪa pë "piü.

6

Kwa 'ko -nu -kwεε bun -sü -dhiang 'ö Pɔdhö -ya zë

1 N dheebhang -nu, □ya kë □dhe 'ka "kan ka -bɔ Yesu 'ka "yɔɔ 'bha 'gü kö -yö 'wɔn yaa suu "ɔɔ suu 'ö kë sië, 'me 'ö ka -zë Atanna -bha 'Nii- bha 'ö ka 'gü bha, -kaa "slë mɔɔ- kö -yö -da zian -së -ta, -ka -dhio dɔ- -ta, "kεε -ka ka zuë" □zɔɔ kö 'ka- dɔ -wɔ "nεεnεε 'ka. 'Me 'i dho- -dhio bha- dɔ "dhü bha bhii -dɪ 'pö -bhö i -dɪ 'kun, kö 'bha 'dho -da 'wɔn yaa bha- 'gü 'pö.

2 □Ya 'go yö -zë 'gü, 'wɔn "πεπε 'ö yaa- -da ka -ta, -ka ka 'ko -nu -ta 'kun- 'gü. 'Ka- kë sië "dhü kö ka Klisi -bha 'tong- bha □në- □bhlëë -ya sië bha.

3 Με 'ö 'yaa pë 'bha 'ka, □yaa- pö ö -dɪ -dhe 'ö pë 'bha 'ka, kö -yö "kpënnng- □në- -kë sië ö -dɪ -gɔ "wεεwεε.

4 'Me 'ö 'dhö -yö ö -dɪ "ta -kɔ -ga, "ni 'ö □mɔɔ- -bha 'ö ö -dɪ □gɔɔn, kö -yö ö -dɪ □gɔɔn 'ö këwɔn

-bha, kö 'ya 'dho- -ya me -kpea -nu -bha "dhiü 'ö
ö -dɪ fië- bho- -nu -bha.

⁵ -A pö 'a- wo "dhü bha- 'klɔɔ- -mü □dhe 'me 'ö
"dhü -yö -dho dɔ Atanna -kuu "dhiü ö □song □në-
'ka.

⁶ Me 'wo- □klang kë sië Atanna -wu 'ka, -a -dhea
-bha □dhe -a -me -yö ö □slɔɔpë bha- 'bha □gbaɔ
'me 'ö- draan- sië bha- -gɔ.

⁷ 'Ka 'dho ka -dɪ -tama, me 'bhaa "kpenng- kë
Atanna -gɔ. "Dhü 'ö me -ya ta 'yö me -ya bhe bho.

⁸ 'Me 'bha -tosëa kë i -dɪ □nii -bha, -a □trɔɔn 'ö
ga 'ka bha □në 'i dho- □slɔɔ. "Këë 'bha -tosëa kë
□dhe -kɔ 'ö Atanna -bha 'Nii- "slüüslü -ya -zɔn 'ka
i -dhe -a 'dhö, i -dho □sii 'ö 'yaa yën bha- □slɔɔ -a
'saa- 'gü.

⁹ Kwa 'gü 'ya 'dho ga 'wɔn -së kë -sü 'ka. -A
'klɔɔ- -mü □dhe kwa 'gü 'yii ga 'wɔn -së kë -sü 'ka,
kwa -dho -a □trɔɔn □slɔɔ Atanna -bha zadɔyi 'ka.

¹⁰ -A -kë "dhü -sü bha- 'gü, 'wɔn -së kë "sɪ -zë
'ö -tun kwa -dhe, -ka -kwaa kë "tüng □gban -tüng
□gban 'gü, "këë -ka -kwaa kë kwa dheebhang -nu
'wo Yesu -bha 'ka bha □në- -nu -dhe 'kpiisü.

'Sëedhe 'ö Pɔdhö -ya kë bha- -gɔ -dɔ -ta -wu

¹¹ Mang □dede □në 'a 'sëedhe ya- -ben zë n -dɪ
-kɔ "dhe 'ka □dhe -kɔ 'ö kaa □dede ka "yan 'dhö-
-bha 'ka 'ö- "yanga □gban 'dhö "gblüglü bha-
'dhö 'yö 'a- bɔ ka -dhe bha.

¹² A- -pö ka -dhe □dhe 'me 'wo -gban sië ka -bha
-dho 'gbannë 'gü -wɔn 'ka bha -wo wo -dɪ -dhi me
-nu -dhe -dhe □në- mɔɔ- sië, kë "dhü kö 'wa 'dho-
-nu -wëedhe bho -a pö -sü 'ö □dhe Klisi -bha ga
'ö- wo "dhü -bha bha 'me 'bha 'dhang bho yö □në-
"dhiü kö 'bha dha bha- -wɔn 'gü.

13 'Mε 'wo "dhü bha wo -zë 'waa Atanna -bha 'tong- -kpεa □bhlëë -ya, -wa -kë "dhü kö 'wo wo 'to □në- 'kun ('dho 'ö kaa- bho 'gbannë 'gü kö 'ka bɔ- -nu 'ka bha- -wɔn 'gü).

14 "Κεε ma -zë 'wɔn 'ö n "piü 'a n 'to 'kun- 'gü yö -mü kwa Dεμε Yesu Klisi -bha -dɔ "dhü -bha -wɔn bha □në- 'ka. -A 'klɔɔ- -mü □dhe -a -dɔ "dhü -bha -sü bha □në- -wɔn 'gü, 'yö 'ma kë □dhe 'mε □ya ga □në- wo -a 'dhö "kpungtaapë -nu -gɔ, 'yö (mε -dɪ dhɔɔbhaawɔn "pεpε 'ö "kpung □taa yö bha), □wa kë 'pö □dhe 'pë □ya ga □në- wo- 'dhö n -gɔ.

15 -A -kë "dhü -sü bha- 'gü, -dho 'gbannë 'gü -sü oo, -to -kplëë 'ka -sü oo, -a □gban -yö "wlaawɔn □në- 'ka. 'Wɔn 'ö □bhlëewɔn 'ka yö -mü (-tosεa -kë Atanna -bha -zian -ta -sü kö 'i kë) □dhe 'mε 'ö □ya bho -dee wo □në- 'dhö bha □në- 'ka.

16 A -bhea Atanna -dhe kö mε "pεpε wo -tosεa kë sië □dhe -kɔ 'a- pö- 'ka bha- 'dhö, -yö zuëwaanüsü nu wo □në- -nu -dhe, kö -yö 'ö "klɔ- dhi- -nu -bha, waa- mε "pεpε 'ö □wa bɔ- 'ka -a -nu 'dhö.

17 □Ya 'go yö -zë 'gü, □ya 'go □dεε 'gü mε 'bha -mε 'bha 'ya 'dho- pö 'ö zuëdhiütεε -ya n -bha 'zü tongtongdhö, -a 'klɔɔ- -mü □dhe 'kpaα -nu 'wo n -bha ya □në- -zɔn □dhe 'maa mε "wεε 'bha -bha □dhuéng 'ka kö 'yii kë Yesu -zë 'ka (-a -gen -mü □dhe ma -nu 'wo- bho- -wɔn 'gü □në- "kpaα 'dhö n -bha ya!).

18 'Ö "dhü n dheebhang -nu, kö kwa Dεμε Yesu Klisi -yö -gasite kë mε □gban "pεpε ka -dhe bha 'aa -yö kë.

NAᶆ -SĚ 'SĚĚDHĚ
Dan: NAᶆ -SĚ 'SĚĚDHĚ New Testament
Dan Nouveau Testament

copyright © 1991 Wycliffe Bible Translators, Inc.

Language: Dan

Dialect: Eastern

Contributor: Wycliffe Bible Translators, Inc.

All rights reserved.

2021-07-12

PDF generated using Haiola and XeLaTeX on 18 Apr 2025 from source
files dated 29 Jan 2022

b0d5029a-c700-5b99-a67b-bae5c5f3b14c